

Larian Jubli Perak FPP semarak sambutan 25 tahun UMS


Oleh YAP SIONG HAN

UB 24.4.2019 A6
KOTA KINABALU:
Fakulti Psikologi dan
Pendidikan Universiti
Malaysia Sabah (UMS)
dengan kerjasama Persatuan
Mahasiswa Psikologi dan
Pendidikan (PERMAPS) sesi
2018/2019 menganjurkan
Larian Jubli Perak pada
Sabtu lalu sebagai pengisian
meraikan sambutan 25
Tahun UMS pada tahun
ini.

Timbalan Dekan Hal
Ehwal Pelajar dan Alumni
FPP UMS Dr Soon Singh
Bikar Singh berkata,
program yang julung kalinya
diadakan itu juga bagi
meningkatkan semangat
kesukanan dan mengeratkan
lagi silaturahim antara warga
FPP, dan UMS secara
keseluruhannya dengan
alumni serta masyarakat
setempat.

“Acara ini melibatkan jarak
sejauh 5 kilometer (km) dan
10km yang menyaksikan
setiap peserta bagi kategori
masing-masing memulakan
larian di Padang Kawad
Pasukan Latihan Pegawai
Simpanan (Palapes) UMS
dan berlari di sekitar kampus
sebelum kembali semula
ke padang kawad bagi
menamatkan larian.

“Seramai 178 orang yang
terdiri daripada pelajar,
kakitangan UMS, Alumni
FPP dan masyarakat
setempat telah mengambil
bahagian bagi merebut



ISMAIL (kiri) menyampaikan hadiah kepada salah seorang pemenang.

empat kategori yang
dipertandingkan iaitu 5km
lelaki dan wanita serta 10km
lelaki dan wanita,” katanya
dalam satu kenyataan di sini
pada Selasa.

Acara itu menyaksikan
Faizal Ajaz unggul sebagai
johan bagi kategori lelaki 5km,
naib johan dan tempat ketiga
masing-masing disandang
Hasrin Herman dan Mohd
Nurelzaretiqie Madah.

Juara bagi kategori wanita
5km pula menjadi milik
Faeziah Mahali yang berjaya
menewaskan pesaing terdekat
Evergreen Edward di tempat
kedua dan Benradd Thein di
tempat ketiga.

Dalam kategori lelaki 10km
pula, Kelvin Kencil nyata
sukar untuk ditandingi apabila
terus gagah melangkah hingga
ke garisan penamat untuk
dinobatkan sebagai juara
sekali gus mengecewakan
Su Hao Ren yang terpaksa
akur untuk berada di tempat
kedua. Tempat ketiga pula

milik oleh Jerry J.

Michelle Gollip pula berjaya
mengungguli jarak larian
yang sama untuk kategori
wanita menewaskan Christine
Julius di tempat kedua dan
Jamneh Sulid ketiga.

Bagi kategori 5km, johan,
naib johan dan pemenang
tempat ketiga masing-masing
membawa pulang hadiah
wang tunai RM150, RM100
dan RM50 beserta medal
dan sijil.

Johan, naib johan dan
pemenang tempat ketiga bagi
kedua-dua kategori bagi jarak
larian 10km masing-masing
menerima hadiah wang tunai
sebanyak RM200, RM150
dan RM100 beserta medal
dan sijil.

Majlis pelepasan larian
dan penyampaian hadiah
kepada para pemenang
disempurnakan oleh Dekan
FPP UMS Prof Dr Ismail
Ibrahim mewakili Naib
Canselor UMS Prof Datuk
Dr D Kamarudin D Mudin.